

CANTIKOU SPIRITUEL  
VAR BUHEZ  
DOM MIKEAL NOBLETZ,  
HA  
BUHEZ AN TAD JULIAN MANER,  
KENTA MISSIONERIEN EN ESCOPTI KERNE.



BUEZ  
DOM MIKEL NOBLETZ,  
GANET ER MANER KERODERN, E PAREZ PLOUGHERNE,  
AN NAOU VARNUGHENT A VIS GUENGOLO 1577,  
A MARO E LOCHRIST-CONK, AR 5 A VIS MAE 1652.

---

Var ton : *Mikel Nobletz.*

Speret an oll sperejou , va C'hrouer adorabl ,  
Me ho supli a galon , bezit d'in favorabl ;  
Préstit din ho sklerigen da compos eur c'chantik  
Var buhez eun den evruz , un den apostolik .

Guerc'hes sacr , mam da Jesus , va siconur breman ,  
 Ne deo ket indifferant ar vatier a dretan ,  
 Beza zoc'h interesset pa zeo ho guir vignon ,  
 En deveuz ganet deoc'h en escopti Leon.

Mikel Nobletz , guir mignon da Rouanez ar bed ,  
 C'hui so bet , en ho buez , un tenzor bras cuzet ,  
 Hoghen gant ar Vretonet e viot dizoloét  
 Goude an oll poaniou bras o c'heus bet anduret.

Ebad ho vuez santel , ar groas ho c'heus douguet ,  
 O clasq distrei hoc'h Doue ar bec'herien dallet ;  
 Quitteet hoc'heus ho preudeur , kerent a mignonet ,  
 Evit ma alzoc'h libroc'h c'hatékiza ar bed .

An antrou Mikel Nobletz , inspiret gant Doue ,  
 Zo bet kenta fondator a vissionou Kerne ;  
 Choas a reas an ini , dre ordrenanç Doue ,  
 A dlie rei mission en Breïs , en e c'houde.

Dom Nobletz a choasas evit missioner  
 Un den santel hac habil , hanvet an tad Maner ;  
 Da Zone dre e zounder , dre e prudanç parfet ,  
 Cals a eneou c'christen o deveus gounezet .

Essoc'h eo counta ar stereden pa ve sclera , an nos ,  
 Evit counta an eneou o deveus casset er Barados .  
 C'hui er goar , ô ma Doue ! c'hui oc'heus o c'hountet ,  
 Ped den dre o vissionou a zo bet saveteet !

Ne pretantan ket amân rapporti e vuez  
 Evel pa ve un histor scrivet a bez e pez ,  
 Va oll dessin a gonsist da ziskleria bremâ  
 Ar vertuziou a gavan a recommandaplan .

Neus nemet ar vertuziou ak a kaffen kapabl  
 Da renta dirak Doue un den considerabl :  
 Prestit oc'h attantion pa zoc'h interesset  
 Ho skwêr eo , ac hon enor , etrezomp , Bretonet .

Nobl oa dre gondition , mez nobloc'h dre e vertus . (1)  
 Imita a rez a yaouank humilite Jesus ;  
 Etouez ar re communa , etouez ar beorien  
 E c'blaske Mikel Nobletz e oll antretien .

---

[1] M. Le Nobletz naquit au manoir de Kerodern , en Plouguerneau , le 29 Septembre 1577 .

Béza'n doë evit mistri tud devot a savant,  
 Ar pez so principala evit an dud yaouank (2)  
 Ma teskas parfetamant ar grec hac ar latin,  
 Ac er memez amzer al lezennou divin.

Da Bourdel ak Agen a zéas da studia,  
 Ak edo e pep articl gand ar re habila;  
 Savant er philosophi ak en theologi,  
 Partout en e c'hlassiou e teue da excelli.

Jesus en em ziskoëlas dezan d'e courachi  
 D'en em aplika atao guirvelloc'h er studi.  
 Goude e c'haparissas ar Verc'hes dirazan:  
 « Mikel Nobletz , emezi , deoc'h ne vanko netra. »

Eun eil gwech e teu Mari d'en em ziskwez dezan:  
 « Me ro deoc'h , emezi , teir kurunen aman ,  
 « Ar kenta eus ar guerdet , an eil eus ar skiant ,  
 « An dispriz eus an douar , chetu an tri dalant. »

An eskop e asinaz en disput general ;  
 Var skol an theologi , en he kear principal ;  
 Neuze an autrou Nobletz , dirak an dud savant ,  
 A ziskuez en dôa great eur studi excellant.

An eskop , oc'h e velet , a oë ker raviset ,  
 Hac ouz clevet e zoctrin e oë ken estonet ,  
 Ma c'hoffras dezan cargou kaëra Leon ,  
 Kement a sante evitan eur guir affection.

James n'en em resolvi da accepti netra ,  
 Kaër so e importuni , kaër so parlant deza ,  
 He kerent , he vignonet , tout er sollicitont ,  
 Mes netra ne accepte , gant kement a reont.

Neuze e oe rebutet gant e vam ak e dad ,  
 Ac e renkas quitaat , evel en em zivat ,  
 Ma zeas d'en em repui da ty e vagherez  
 En eun ty soul da logea , gant bep seurt paorentez .

[2] Il savait par cœur les Saintes écritures en grec et en latin ; il possédait à un haut degré la connaissance des pères de l'église : il était, en outre, fort habile en mathématiques, et les enseignait aux marins de Douarnenez et du Conquet.

A ben c'hwec'h mis goude , d'ar Sorbon a zeas  
 Ak e Paris e receo urz sacr a veleghiac ;  
 Mæs Doue en inspiras da zont e Breïs-Izel ,  
 Evit commanda sarmon doctrin an aviel.

Lacat a ra da batissa , en barez Tromeneac'h ,  
 Un ty soul da logea var bordic ar mor bras ;  
 N'en doa evit guele nemet an douar yen ,  
 Eur zaë c'hris da dosta , guisket var e groc'hen .

N'en doa evit boesson nemet eur bane dour ,  
 Ak ato en em drete evel un torfetour :  
 Eur vech bemdez e vije casset yot deza ,  
 Mez heb aman n'a c'hoalen , na leaz de zouba .

Tud precius a delicat , considerit amâ  
 Un digentil , eur belec o veva er c'his-mâ !  
 A c'hui zo ker sensibl en eva , en debri ,  
 Na re sail na re vian n'ellit ket supporti .

Eur bloaz e chomas eno en eur stad pitoyabl ,  
 Evit gonit da Jesus cals eneou coupabl ; (3)  
 E vission a gommanças e parez Plouguerne ,  
 E guerent , e vignonet , oll en e baffoue .

E fin e convertissas nombr bras a bec'herien ,  
 Dre yuniou , oræsonou a dre cals a anken ;  
 An autrou e dad , memes , en em roas a galon  
 Kerkouls ac e vam iveau , dar guir devotion .

En Dreguer a zeas neuze , da ober mission ; (4)  
 Nemeur a dud a gave da glevet a galon :  
 Evel eur sod en tretent , evel un diskiant ,  
 Mez heb en em rebuti , ne brouez da barlant .

Enflamet eo e galon dre garantez Doue ,  
 Dre garantez e nessa oa anflamet ive ;  
 Bemdez e katekise , bemdez e instrue  
 Er tribunal , er gador , partout dre ma c'helle .

[3] L'ermitage de M. Le Nobletz a été transformé en une chapelle dédiée à St. Michel.

[4] M. Le Nobletz fut pendant quelques temps novice chez les Dominicains de Morlaix , et s'y lia d'amitié avec le vénérable frère Pierre Quintin. Ils firent ensemble plusieurs missions dans les environs de Morlaix , et dom Michel conserva toujours une grande affection pour ce pays .

Dreist ar mor a tremenas betek enez Zizun ,  
 Eno e rene neuze eun ignoranç commun ,  
 A boan a kavas chwec'h den disket en ho lezen ,  
 Mes ouz ho katekisa ho rentas c'histenien .

A Sizun e tistroas da Kemper-Kaourentin ,  
 Ak eno e c'hallumas ar sclerigen divin :  
 Pedi a reas ar Verc'hes , eus a greis e galon ,  
 Evit gout ganti da peleac'h e aje da zarmon .

« O vont euz ar c'hap etrese a Kemper ,  
 « Ne wouyen pelec'h monet da brezec ma Salver ;  
 « En douar ma plantiz ma baz , ha me var daoulin ,  
 « O supplia ar Verc'hes da rei sklerigen din .

« Ma c'halon a droas d'an nort , gant un esperanç vraz ,  
 « Ha me da denna neuze , oc'h ober sin ar groas ;  
 « Gwelet a riz un itron , ha me treï diouti ,  
 « E c'hlask tremen er parc , gant mez d'e rencontri .

« Neb aon , emezi , Mikel , me zo Mam da Zoue ,  
 « Setu aont un tour huel , er parez Plouare ;  
 « It dezi , ma map ker , it hardiz en han' Doue ,  
 « It da besketa an dut , var dro ar c'charter-ze .

« Ha me monet en Douarnenez , en esper da asten  
 « Ma rouejou e creis an dut , leun a devaligen .  
 « Pebez poan am boa neuze , o Douarnenezis !  
 « Cals a dut a lavare din mont buan var ma c'hiz .

« Monet a ràn da brezec bep mintin , bep noz ,  
 « Nebent a dut paour a simpl , a rente din bênos ,  
 « An nemorant a Keris a re faç d'am clevet ,  
 « Abalamour ma laren ar virionez bepret .

« Goapeet oan , er guis eur foll , gant an dut ar c'charter ;  
 « Pam guelent o lavarent : « Chetu an affronter ,  
 « an antec'hrist , ar bigot divroët , an anfier ,  
 « Ret eo e strinka er mor evit neteädt ker . »

« Ne falle ket din lezel evit ar c'homzou-se ,  
 « Ar pez am boa commandet ; fiziant rin e Doue ;  
 « Skrivet am boa em c'halon ar c'homzou va mæstres ,  
 « Gant courach e talc'hen mat , bepret d'am pesquerez .

« Jesus a roaz er fin e venos d'äm rouejou ;  
 « Ar re vian , ar re vrás, a gredas d'am c'homzou.  
 « Disqui a rejont parfet dever ar gristenien ,  
 « Hac a teuzont da veva hervez o sclerigen.

« Esper em boa bepret finissa ma buez  
 « En douar Sant Kaourintin, ebarz e Douarnenez.  
 « En ilis Ploare em boa choazet ma bez ,  
 « Evit chom betec ar varn gant ma bugale quer.

« Hoghen ma Douarnenezis a renqin da quitaat ,  
 « Ma bugale zo contraign da ziouëri o zad ,  
 « Cacet voan divar o zro , dre avi an Azrouant ,  
 « O veza prezeguet deoc'h pemb bloavez varnuguent. »

Promptamant oa bet casset urz d'an autrou Nobletz ,  
 Da kuitaat an eskopti , da veza exilet ;  
 Ak en guervel diraza e vrassa mignonet ,  
 Dirazo var e zaoulin a lennas an arret.

Prest e claskaz eur vaghik da passeal ar mor ,  
 Heb biskoas n'en em klemas eus eur seurt dishenor ;  
 Goude pemb blos varnuguent tremenet en o bro  
 Eo dismeguet , rebutet , dishenoret ganto.

Pa edo oc'h embarki , en em gavas eur bobl ,  
 Tud a bep condition , tud partabl a tud nobl :  
 Eur cri estranch a savas , eur guelvan ar vrassa  
 Ous e velet embarket ac en ha kimiada.

Dom Mikel a respontas en eur lavar outo :  
 « Me a ro deoc'h va bennos , a d'an oll dud ar vro ;  
 « Mes isperial a roan d'am dud convertisset ,  
 « Ak e pardonan ive d'am oll enemiet. »

Gant an amzer favorabl e teu da konk Léon ,  
 Ak eno e continue ar memes mission ;  
 A tri blos a tri uguent e oa neuze oaget ,  
 A couskoude e ardeur biskoas ne vankas ket.

Tud eus a Zouarnenez , tud devot a sanctel ,  
 A zeue atao da velet ho zàd spirituel ,  
 Ak a gane cantikou eus ar missionou ;  
 Dom Mikel en em gave en ho assembleou .

Lakeat a re taolennou dirak o daoulagad ,  
 Dre pere e tiskweze servicha Doue er vad ,  
 Dre eur penturach devot e zoa reprezantet  
 An ene er graç Doue , an ene er pec'het.

Diouan a reas a c'hano eur guir bersecution ,  
 Control dan otrou Nobletz , heb na guir na rezon ,  
 E Konk a teuas an Ekop en amzer ar visit ,  
 Neuze oue ataket a dre goms a dre skrit.

An Eskop , pa ho c'blevas , a oue ker suprenet  
 Ma credas d'ar goal deodou , palamour voa tromplet :  
 Condaoni a reas souden ar paour keas Dom Mikeal ;  
 Kantikou a taolenou so difennet racdal. (5)

Mes eur belec honorabl , ac un den distinghet  
 A c'houlenas e skridou , d'o len a d'o guelet .  
 Len a ra darn anezo , o gavas skrivet mat ,  
 Ak a cassas e rapport d'an otrou ar Prelat.

« Ar daolenou so touchant , e c'hantikou meulabl ,  
 « Evit instrui ar pec'her e zint sur admirabl ,  
 « Rentit justic d'ho belec , d'ho guir missioner  
 « Rac great en deveus atao honor d'e garacter . »

Chetu an otrou Nobletz rentet d'e oll droajou ,  
 He daoulenou approuvet , kerkouls ac e skridou ;  
 Mes allas n'ell ken bale , n'el ken oferenan ,  
 Kwezet eo paralitik , n'eus nerz ebet ennâñ.

Ruziet eo e zaoulagat , o vouela noz a deiz ,  
 Ho deplori d'ar viçou , o clask creski ar feïz ;  
 E gorfa zeo ken uzet dre nerz ar binigen ,  
 N'en deo nemet askorn , goloët gant c'hoc'h'en.

Staghet eo var e vele , creski a ra e boan ,  
 Beza oue aben teir guech goaldretet gant Satan ;  
 E gorfa oue scourgezet , merket gant an taoliou ,  
 A Dom Mikeal zo ato kontant en e boaniou.

(5) M. Cupif , évêque de Léon , ne sachant pas le breton , avait été facilement trompé par les ennemis de M. Le Nobletz , sur le mérite de ses œuvres spirituelles ; mieux informé il les autorisa hautement .

Ar markis a Kergroadez e deuas d'e vizita,  
 Ac a offras prepari eur plaç komod deza ;  
 Pe otramant d'e kastel e vize transportet ,  
 A beza loget enna en eur c'hambr accoutret.

**Dom Mikeal a respontas gant bep civilite :**  
 « Biskoas , otron , ne glaskis er bed comodite ,  
 « An ty bian ma logean a zo va gwir kastel ,  
 « Evelhen a rank logea paourik an aviel . »

Pemb sizun abars mervel a voë avertisset  
 Edo erru an termen da kuitaad ar bet.  
 Teir agoni a souffras ak etre beb ini ,  
 E souhete e teuze e boaniou da greski.

Mes en drede angoni , ententit me o ped ,  
 E c'himitas e Salver er jardin Olivet ,  
 Rak c'houezi a reas neuze , ak an dour ak ar goad :  
 Chetu portret va Jesus , d'an oll eaz eo anad.

**Dom Mikeal en doa disket un den ervez Doue**  
 Da assista an dud clân en ho extremite ,  
 An den-ze d'e assista a bedas humblamant ,  
 « Rac er passach , emezan , e zeus diezamant . »

« Bezint din fidel ato , n'em abandonit ket ,  
 « Na gomzet ket din james eus afferiou ar bet ;  
 « Mes parlantet din ato eus va silvidghez ,  
 « Galvit dam sicour Jesus ak e vam ar Verc'hes .

« Lennit aliez dirazon passion va Jesus ,  
 « Ne deus èr bed ken moyen evit mervel evrus ;  
 « Ne gomxit ket din neuze emeus va œuvrou mat ,  
 « Mes lakeit va negljeanç dirak va daoulagat . »

« Stardit oud va muzellou imach ar grucifix ,  
 « Ma c'hellen pokât dezan epad va angoni ;  
 « Va exhortit da c'houlen ato digant Doue  
 « Pardon a remission , barados d'am ene .

« Goude ma vizin maro , na zispignit netra  
 « Evit dont d'am enteri gant pompou ar bed-mâ ;  
 « Lezit ar vaniteou , ar mezer , an etof  
 « A cassit souden , didrous , va c'horf da sant Christoph .

« Eno e teuyo va breudeur , a gwir beorien ,  
 « Da brezanti da Zoue evidon o feden :  
 « Pa m'eus atao ho caret eus a greüs va c'halon  
 « Emeus ive esperanç en ho devotion.

« A pa vezin tremenet , eit tout , va mignonet ,  
 « Da chapel santez Barba , evit Mikel Nobletz ,  
 « Da bedi Doue evidon , ebad vin er purgator ,  
 « A pa vezin en evou , ne teac'h eus va memor .

« Diskleria ran va dessin d'an oll kuitibunan ;  
 « Lakit va c'horf da repos e chapel Euzan ,  
 « E Lochrist , en ilis , er plaç an izella ;  
 « Va anterrit e kichen an dud ar re paoura . »

Chetu an aotrou Nobletz var ar poënt da verval ;  
 Nen deus na nerz na gallout , ne ell lavaret gher ;  
 An nep zo en e c'hichen a sonch e zeo maro  
 A padal eo ravisset diou heur pe var an dro .

Ker caér edo e visach , an oll a joa charmet ,  
 M'en chomparachent neuze oud un eal incarnet :  
 An oll a grede neuze dija e tanvae  
 Douçderiou ar barados , e prezanc e Zoue .

Pa zeo deut enna e unan euz e ravissamant ,  
 E c'houlennas outan un den fur a prudant ,  
 Petra en doa e rentent ker contant , ker joäüs ;  
 Ak en vije ar bresanç eus e vignon Jesus .

« En eur velet va Mästrez e zon bet ravisset ,  
 « Pa zeo guir eo ar gaëra euz ar rouanezet ,  
 « A Vam Jesus a c'homzan ; va guir brotectourez ,  
 « Dezi em boa consacret , es yaouank , va buez . »

Prestik a viras pelloc'h eur silenç bras ,  
 O poket d'ar C'hrucifi , er fin e tremenas  
 Etre divrec'h e Jesus , e sell oud ar Verc'hez ,  
 Ak enoret e varo gant musik an Elez !

Pa edot ho recita litaniou er Verc'hes ,  
 E vclzet e vuzellou o vanea aliez ,  
 Da reï c'hoas eur merk sensibl eus an devotion  
 En doa bet dar Vam Jesus ato en e galon .

Contit er blosas mil c'houec'h kant a daou ac anter kant,  
 Dar bempet a vis maë, e varvas ker contant :  
 Enor an oll Vretonet, apostol al lezen ,  
 Oaget a dri ughent vloas, a pemzek blosas ouspen.

Impossubl eo lavaret pegher bras niver bopl  
 A zeuas d'e interamant, ken tud partab, ken nobl ,  
 Da touch ho chapeledou , ho croaziou , ho leorion ,  
 A tont en em recommandi dindan e bedennou.

Ne don ket evit conta na lakat var paper  
 Ar miraciou estonabl eus ar missioner ;  
 Enn eall a renk diskqen expres a beurs Doue  
 Evit rei demp da gompreñ an nombr a kemen-se.

Kemerit , aoutrou Nobletz, ni ho ped a galon ,  
 Leonis a Kerneviv en ho protection ;  
 Montroulez, ispicial, a c'hui Douarnenezez ,  
 Oc'h euz bet karet ato epad oc'h oll buez !

« A ba idon er barados sonch a meus ac'hanoc'h ;  
 « Pidi a ran va Jesus reï sclerigen deoc'h :  
 « Gant un devotion bras deut, a me eo ho suppli ,  
 « Da bresanti ho galon da Jesus ha Mari !

« Skrivet en ho c'halonou ar pez am euz disket  
 « Pa edon en ho touez gant meur a batiantet ;  
 « Disprijit ato ar bed, a songet e tremen .  
 « E oll brosperiteou evel un avel yén.

« An eil quirit eguale m'ar d'oc'h ma bugale ;  
 « Miret ar peoc'h etrezoc'h , ho pet doujeanc Doue :  
 « Miret an humilite , ha guir simplicite ,  
 « Sicourit ar beorien eguiz memproun Doue. »

An aoutrou Kerne en deus, gant e grac ordrenet ,  
 Ma vize e Daouarnenez, elec'h m'en deuz chommet ,  
 E Portz ru , tostik d'ar mor , batisset eur chapel ,  
 Da c'hloar Doue , hac henor an aoutrou St. Mikel.

Cals a belerinerien a zeui a bell bro  
 Da vizita ar chapel a so savet eno :  
 Ar re mut a brezego , ar re gam a guerzo ,  
 Hac ar re so aflyet soulach o devezo.

( 11 )

Etrezomp , habitantet eus a Konket , Leon ,  
Ni a dle er c'hermer da skwer a da batron ,  
Pa bossedomb gand henor ar relegou sântel  
Emeus eur Sant evel ma zeo an aontrou Dom Mikel !

FIN.





# CANTIC SPIRITUEL

VOAR BUHEZ HA MARO

**AN TAD JULIAN MANER,** <sup>(1)</sup>

**Religius a Missioner a gompagnunez Jesus,**

**MARO E PLEVIN, A 28 A VIS GUENVER 1683.** <sup>(2)</sup>

---

Allas! allas! Bretonnet, maro e an Tad Maner,  
Maro eo ho sclerigen, maro eo ho tad ker,  
Maro eo tost Kerhaëz, e bresbyter Plevin,  
Evel m'en devoa lavaret, *e creis douar Corentin.* <sup>(3)</sup>

D'an ilis colech Kimper e galon so casset,  
En ilis parez Plevin e gorf so interet,  
En e yec'het en devoa alies lavaret:  
« Elec'h ma coëzo ar vezen a renk beza lezet.

Pa zeuge dre ar maro Jesus-Christ d'e c'hervel  
Gant ar bopl paour en devoa desirer mervel.  
« Gante m'eus tremenet, emezan, va buhez,  
« Ganto, goude va maro, chom a garêñ ivez. »

Tavet eta, bobl a Vreiz, n'en em affliget ket,  
Oc'h peden an tad Maner en deus Doue clevet.  
En ho creïs ezeo chomet, evit ho soulagi,  
En ho corf hac en o ene, dre Jesus a Mari.

---

[1] Le nom du père Maunoir se traduit en breton par Maner.

[2] Ce cantique fut composé peu après la mort du père Maunoir, par le père Vincent Martin, dernier compagnon de ses courses apostoliques.

[3] Prophétie du père Maunoir, relative au lieu de sa mort.

**Commandet mad en deveus, an eil hac eguile :**  
**A ben nemeur e lenfot scrivet en e vuhe**  
**Da bet den clan en deveus e pep canton gweleet,**  
**Dreist ar re all, e Plevin, d'ar re ya d'e velet.**

**Commisserien an Escop a allo lavaret**  
**Ped græc e boan vugale en deveus delivret,**  
**Da piou en deus ar c'herzet, ar c'hleo, ar guel rentet,**  
**Hac an traou all a rai c'hoas, hac en deus dija gret.**

**Guinidic oa a St. Georg, en escopty Roazon, (4)**  
**Peder leo diouz Fougera, peder leo dious Pontorson;**  
**Hoguen choaset gant Doue, an apostol fidel**  
**Evit desqui hent an ee d'an oll Breiz-izel.**

**Ne oa nemet trizec bloas, o command e studi**  
**Pa lavaras dom Mikel Nobletz dre professi : (5)**  
**« Maga rer din ur peskic , en escopti Roazon**  
**« A zui en dro d'ar vro Vreiz da ober mission. »**

**Pa regente ar bempet, er c'holech a Kemper,**  
**E teuas Mikel Nobletz da velet e mab quer,**  
**Hac e comzas eus Andre hac euz e vreur Simon,**  
**Pa o galvas hor Salver da ober mission.**

**E distro e lavaras da Zouarnenezis ,**  
**Gant graç Doue c'houi velo c'hoas mission e Breis.**  
**Choazet em eus an hini, dre crdrenanç Doue ,**  
**A dle ober mission er vro-mâ ma goude.**

**Ne lavaras ket dezan neuze c'hoas Dom Mikel**  
**E voa choaset gant Doue da instrui Breiz-izel ;**  
**Mæs Doue a zisclerias dezan e volonté**  
**Pa ze un deiz d'ar chapel hanvet ty mam Doue.**

**Etre croas ar gardien ha maner Kermorvan, (6)**  
**E roas eur sclerigen dezan ar Speret glan,**  
**Dre pehini e velas a Vreiz ar c'hantonion**  
**Da pere oa destinet da glasqan eneou.**

[4] Le 1er Octobre 1606.

[5] M. Le Nobletz prophétisa plusieurs fois la venue du père Maunoir en Basse-Bretagne.

[6] Cette croix est à un kilomètre de Kemper, sur la route de Lokrenan.

Pa antreas e chapel ar Verc'hes hon Itron , (7)  
 En em offras oll dezi a gorf hac a galon :  
 « Prest a pront oun , emezan , da zicour va Salver  
 « Da zistrei ar bec'herien so coustet dezan quer.

Ho pet sonch , Guerc'hes santel , eus ho missio ner :  
 En ho ty d'ar mission n'em ro an tad Maner ;  
 En ho ty eo commandet , gueneoc'h e poursuivo ,  
 En ho ty , gant graç Doue , un deiz e finisso.

Ebars er ker Bourges pa oa abandonet  
 En eur c'hlevet diremet gant ar medicinet ,  
 Deiz Nedelec , kent receo sacramant an auter ,  
 En em voeslas evelhen e presanç e Crouër :

« Jesus , Mari , sant Eozén , ac Alet Breiz-izel ,  
 « Mar rent Doue din yec'het , me yel betec mervel  
 « D'a ober mission emesk ar Bretonet ,  
 « Me er promet a dra sur , gant eur galon parfæt . »

Doue a comzas ountâ en eur sacramanti ,  
 Hac a lavaras dezan : « Pare viot ep si ,  
 « Me a gontanto iveau desir bras ho galon ,  
 « Me ho cassio e Breiz da ober mission . »

En amzer ze an nosvez , dre e gousk e songe  
 E tougue var e keïn eur paysant a Guerne ,  
 Evel Sant Françez Xavier a songe e tougue  
 Un Indien , quent mont e mission dar vro-se.

Courachit , Kernevis , un deiz d'ar Barados  
 An tad Maner ho tougo evit biken repos ,  
 Ha cals a Roazon , Guénet , Sant-Briec , Leon a Dol , (8)  
 Hac a Dreguer a viro ne d'aïnt ket da gall.

Me a gleo St. Corentin deja ous ho guervel ,  
 Tad Maner , ha tad Bernard ho compagnon fidel : (9)  
 « Deut var ma lec'h , emezan , m'ho craï pesketerien  
 « A gals a bec'hereset , a gals a bec'herien .

[7] La chapelle de *Ty mam Doue* existe encore à deux kilomètres de Kemper.

[8] Noms des sept évêchés où prêcha le père Maunoir.

[9] Le père Bernard , mort à Kemper , en odeur de sainteté , fut le premier compagnon du père Maunoir dans ses missions.

« Mo guell o daou o nigeal, dreist ar mor perillus ;  
 « Da besketa ez eont eneou da Jesus. »  
 Bezint dija e Braet, Sizun hac Enez braz,  
 E Molenes, hac Eussa, Enez, Tudy ha Baz. (10)

Un troad o deus voar ar mor, un all voar an douar,  
 A gamezou braz ezont, en noz evel al loar,  
 Hac en de evel an heol, a dre o sclerigen  
 E chasseont eus ar Vreiz ar goall devaligen.

Euz an tad Maner ez ar brut e peb canton ,  
 E peb lec'h er goulenner da ober mission.  
 An esquibien er goulen , personet , beleyen ,  
 Autrounez , itronezet , tud Ploue , bourc'hizien.

Piou a ouffe lavaret e pet plac ez eo bet ,  
 Ha pet pec'her e peb plac et deveus distroët  
 Essoc'h eo conta ar stereden , pa ve sclera an noz ,  
 Evit ar re en deveus casset d'ar barados.

C'hui er goar , o va Zalver ! c'hui ho c'heuz e contet ,  
 Ped den , dre ar sermoniou , en deveus saveteet ,  
 Pe dre confession , ar bec'herien mezet ,  
 Pe dre ar procession , ar bec'herien calet .

Lamet eo an ignoranç dre e gatechismou ,  
 Ar c'homzou vil a lubric , dre'r c'han e c'hanticou ,  
 Gret en deus ober bemdez d'ar Verc'hes oræson ,  
 Disquet en deveus pidi Jesus-Christ er galon .

« C'hui eo , beleyen santel , c'hui eo missionerien ,  
 « Ar fourdelizen caëra emeus e gurunen ;  
 « Da Zoue dre e zoucder , dre e brudanç parfet ,  
 « Dre e oræson fidel en deus o gounezet . »

Dreizoc'h eur bobl infinit en deveus saveteet  
 Hac a raï , gant graç Doue , ac'han d'a fin ar bed :  
 Houma oa e joa vrassa pa edo e yec'het  
 Hac ar soulach a glaske en diveza clevet .

[10] Noms des diverses îles où le père Maunoir fit des missions très fructueuses.

N'hon euz quet collét hon tad, nen em affligeomp ket;  
 Mar domp separat a gorf, n'en domp quet a speret.  
 Lezet en deus quent mervel, gueneomp oll e galon,  
 Evit reï deomp oll dreizan e venediction.

Donet a ra d'hor zouten, pa zeomp d'ar c'hombat,  
 Goulen a ra evidomp graçou digant hon tat ;  
 Disquennet eo alies eus an eê da zicour  
 Ar bec'herien tretalet gant an drouc adversour.

**FIN.**

**PEDEN EVIT ANEVEZI PROMESSAOU AR VADEZIAN ,**

**Compozetz gant an Tad MANER.**

Me a renonç d'an drouk speret,  
 D'ar c'hic, a d'ar bed milliguet:  
 E servich an Dreindet santel  
 E fell din beva ha mervel.